

四庫全書

史部

欽定四庫全書

萬壽盛典初集卷二十六

恩賚三

加恩臣僚

康熙五十二年三月十八日以

萬壽覃恩詔給內外大小各官新銜封贈文官在京四品以上在外三品以上武官二品以上各送一子入監讀書其餘文武官各加一級現在論罪者除大計軍政外悉與豁免從前降級罰俸者

欽定四庫全書

卷二十六

開復之

四月初七日吏部尚書臣富寧安等謹

題為欽奉

恩詔事康熙五十二年三月十八日恭遇

恩詔內開一內外大小各官除各以現在品級已得封
贈外凡陞級及改任者著照新銜封贈欽此查康

熙四十二年

恩詔內外滿漢大小各官未遇前

詔未得

封典者俱照現在品級給與

封典外凡告病告假丁憂候補等官及在

詔前陞轉

詔後到任之漢官俱不准給與

封典在案再查定例一品封贈三代二品三品封贈

二代七品以上封贈一代八九品止封本身等

語該臣等議得今康熙五十二年恭遇

萬壽恩詔應得

封典內外各官通行各部院衙門八旗

盛京五部直隸各省督撫除現在品級已得

封典者毋庸開送外其未遇前

詔未得

封典在京大小漢官由各部院衙門旗員由各該旗

都統

盛京各官由

盛京五部在外大小漢官由各該巡撫開明履歷取
具應封三代二代一代妻室存歿姓氏親供并

同鄉官印結咨送

臣部彙

題轉揭內閣撰寫

誥勅給與可也本月初十日奉

旨依議

四月初九日兵部尚書

臣殷特布等謹

題為欽奉

恩詔事該_臣等議得恭遇康熙五十二年三月十八日
恩詔內外滿漢大小各官未遇前

詔未經受封者照現在品級具題封贈外如遇前

詔已經封過後改任者照改任封贈陞級者照陞級新
銜封贈如加級者前

詔已照其現在品級封過今雖加級不曾換職任頂帶
不便重封其陞級改任官員前任已經受過封
贈今封贈臣部槩停

題請即據來文印結改給新銜揭送內閣撰寫

誥勅至先屢次遇

詔滿洲官員不照到任日期封贈漢官雖在

詔前陞轉

詔後到任者不准封贈及候缺等官俱不准封贈先封

大級後兼小任者亦不照兼小任封贈今封贈

亦照此例行俟

命下之日通行八旗直隸各省遇

詔各官將履歷並應封贈三代二代一代妻室存歿姓名開註曾否封過字樣若滿洲蒙古漢軍各該旗都統查明用印文送部直隸各省官員行文督撫提鎮將應封所屬各官職名查明取具同鄉官印結造冊送部臣部查明將未經受封者照例

題封可也本月十一日奉

旨依議

四月十三日吏部尚書臣富寧安等謹

題為欽奉

恩詔事康熙五十二年三月十八日

恩詔內開一在京滿漢文官四品以上在外三品以上
各送一子入監讀書欽此欽遵查滿漢品級考內開
正二品內閣大學士各部尚書都察院左右都
御史從二品布政使司布政使正三品各部侍

郎內閣學士翰林院學士都察院左右副都御

史宗人府府丞通政使司通政使大理寺卿詹
事府詹事太常寺卿順天府府尹奉天府府
尹按察使司按察使從三品光祿寺卿太僕寺
卿布政使司叅政鹽運使司運使正四品都察
院左右僉都御史通政使司左右通政大理寺
少卿詹事府少詹事太常寺少卿提督四譯
館少卿鴻臚寺卿太僕寺少卿順天府府丞奉
天府府丞從四品國子監祭酒等語再查正

二品右都御史正三品右副都御史正四品右
僉都御史係督撫加銜等語再查康熙六年

恩詔蔭監滿漢文武官員副都統纛章京阿思哈尼
哈番侍郎內閣加侍郎學士以上照實俸各蔭
一子入監讀書其餘各送一子入監讀書等因
在案今康熙五十二年三月十八日欽奉

萬壽恩詔文官四品以上各送一子入監讀書應照現
定品級考正二品大學士各部尚書都御史從

二品布政使正三品侍郎等官從三品光祿寺
正卿等官正四品僉都御史等官從四品祭酒
等官各送一子入監讀書其送一子入監讀書
之處係旗員之子應取各該都統印文起送部
院各官之子應取各衙門印文起送在外各官
之子應取督撫各該衙門印文起送候

命下之日通行各部院八旗直隸各省可也本月十五
日奉

旨依議

本日兵部尚書臣殷特布等謹

題為欽奉

恩詔事該臣等議得康熙五十二年三月十八日欽奉
恩詔內文官在京四品以上在外三品以上武官在京
在外二品以上各送一子入監讀書欽此欽遵將內
外滿漢武官二品以上各送一子入監讀書之
處照康熙六年

恩詔管侍衛內大臣內大臣都統民公侯伯精奇尼哈
番以下前鋒統領護軍統領副都統步軍統領
阿思哈尼哈番食二品俸官員及鑾儀衛食二
品俸鑾儀使散秩大臣以上在外將軍副都統
提督總兵及帶一品銜管副將事等官各准蔭
一子入監讀書都督僉事管副將事及副將管
副將事者各送一子入監讀書可也本月十六
日奉

旨依議小銜副將亦准送一子入監讀書

四月二十一日丁酉

詔開復文臣因公墾誤革職留任者

四月十八日吏部等衙門

題為請

旨事先經吏部

題前事內開康熙五十二年三月十八日

恩詔內開一内外文武官員除大計軍政處分外現在

議革議降議罰戴罪住俸等項各該衙門悉與奏明寬宥一內外降級罰俸等官俱著開復調用者仍照原議調用欽此欽遵除降級罰俸等官俱各開復調用者仍照原議調用外現在議革議降議罰戴罪住俸等項臣部逐一詳查奏明寬宥再有停陞住俸降職降俸等官其降級罰俸等官今既開復將伊等亦均應開復再查亦有因公呈誤革職留任者現在議革等官今既寬宥除大計

并列款糾叅革職留任者毋庸議外其因公墾
誤革職留任之員應否開復伏祈

上裁等因於康熙五十二年四月初六日

題本月初八日奉

旨這本留著其因公墾誤革職官員交與該部逐一查
明繕摺同本一并進呈欽此吏部查明繕寫摺子具
奏大學士溫達等

奏請折本奉

旨爾等會同九卿議奏欽此該臣等會議得康熙五十

二年三月十八日

恩詔內開一内外文武官員除大計軍政處分外現在
議革議降議罰戴罪住俸等項各該衙門悉與奏
明寬宥一内外降級罰俸等官俱著開復調用者仍
照原議調用欽此欽遵恭惟

皇上六旬萬壽大沛

恩膏凡屬臣民莫不均霑

聖澤誠亘古之

曠典昇平之

盛事似此因公呈誤革職留任諸員亦應推廣

皇仁恩賜寬宥仰祈

皇上睿照施行

計開應開復人員

內務府總管赫奕

江寧巡撫張伯行

四川巡撫年羹堯

御史溫泰

內務府員外郎巴希納

監督姚德堅

浙江丁憂糧道陳一夔

原任福建漳州府知府趙完璧

長蘆運同李滋奇

富國場大使苗光玉

湖廣長沙府同知劉兆麟

江南睢寧縣知縣王廷梅

浙江餘姚縣知縣劉俊

陝西富平縣知縣楊勤

直隸阜城縣知縣李華國

直隸任丘縣知縣蔡方升

山東諸城縣知縣徐繼昌

山西山陰縣知縣葛斗南

河南舞陽縣知縣于建邦

湖廣襄陽縣知縣程其成

福建安溪縣知縣曾之傳

福建漳浦縣知縣汪紳文

福建同安縣知縣朱奇珍

湖廣永州府通判葉運泰等十員

直隸文安縣知縣程繩武

江南武進縣知縣殷元福等二員

江南旌德縣知縣勞啟鑑

湖廣桂陽縣知縣劉光秀

廣東南海縣知縣王鎮等三貢

湖廣鄖陽府教授周崑

直隸玉田縣典史李文標

浙江寧海縣丁憂典史沈國忠

浙江諸暨縣典史宋國弼

陝西郃陽縣典史沈英祚

浙江台州府司獄王廷藩

直隸蔚縣廣昌城巡檢王加慶

直隸靜海縣主簿劉起騰等三十九員

陝西同州吏目茅本彪等二十三員

江南泰州吏目陳士傑等十三員

直隸通州吏目李鼎銓等四十七員

湖廣瀏陽縣縣丞鄭開泰等七員

內務府進士碩柱初勒倫

翰林院檢討楊萬程

養心殿監造趙昌

雲麾使兼佐領固山大伊都善

以上人員應否開復臣等未敢擅便謹

題請

旨本月二十一日奉

旨依議

二十四日庚子

特予大學士溫達松柱李光地蕭永藻王揆一品蔭

四月二十四日吏部尚書臣富寧安等謹

奏為奏

聞事查先經臣部於欽奉

恩詔事案內照依現定品級考正二品大學士尚書都

御史從二品布政使正三品侍郎等官從三品

光祿寺卿等官正四品僉都御史等官從四品

國子監祭酒等官各准一子入監讀書等因具

題奉

旨依議欽遵在案今內閣交出大學士溫達松柱李光
地蕭永藻王揆啟奏摺本畢口奏

皇上洪恩小銜副將等俱格外

賜以監生臣等蒙

皇恩忝居大學士頭等職任今部內將臣等照二品例
給以蔭生臣等公同仰懇

皇上賜臣等一品蔭生等因啟

奏奉

旨爾等所奏是下

旨於部欽此欽遵將大學士溫達松柱李光地蕭永藻
王掞准給一品蔭生之處理合奏

聞等因奉

旨著給與一品官蔭生

五月初十日丙戌

詔開復因公罣誤革職留任武臣佛保等四員任俸武

臣吳保住等二十二員

五月初四日兵部尚書臣殷特布等謹

題為請

旨事康熙五十二年三月十八日

恩詔內開一内外文武官員除大計軍政處分外現在
議革議降議罰戴罪住俸等項該衙門悉與奏明寬
宥一内外降級罰俸等官俱著開復調用者仍照原
議調用欽此欽遵查近經九卿會議除降級罰俸等

官俱各開復調用者仍照原議調用外現在議
革議降議罰戴罪住俸等項臣部逐一詳查

奏明寬宥再有停陞住俸降職降俸等官其降級罰
俸既經開復將伊等亦應開復將因公墾誤革
職留任官員准其開復具

題奉

旨依議欽遵在案今文職既經開復查革職留任

海子內看館六品官佛保

英額口子章京傳色納

膳房頭目釋迦保

歸化城都統丹進

叅領甘國培

太原防禦巴拜

浙江紹興協副將陳陞等四員

台州副將中營把總吳永仁等十一員

浙江嘉興遊擊標下左營把總徐文龍等四十二員

陝西清水堡把總任道禮等十員

江南廟灣營千總楊致中等二十一員

陝西富平營把總康兆吉等二員

山東即墨營把總鄭凱等二員

此等俱照文官開復再

特旨住俸武官三十六員

鑲黃旗滿洲陵上噶喇大魚二等阿達哈哈番

又一拖沙喇哈番吳保住

陵上噶喇大多爾泰

拖沙喇哈番和合禮

拖沙喇哈番勒德

頭等阿達哈哈番楊保住

頭等阿達哈哈番四哥

正黃旗滿洲陵上噶喇大安住

漢軍阿達哈哈番臧從廣

拜他喇布勒哈番兼拖沙喇哈番王來儀

拖沙喇哈番馬正名

正白旗滿洲陵寢原任總管調補

福陵掌關防章京卜辭

一等候兼拖沙喇哈番陳泰

散秩大臣一等精奇尼哈番兼佐領拉馨

蒙古拖沙喇哈番胡布布

漢軍阿達哈哈番馬國禎

正紅旗蒙古拜他喇布勒哈番兼佐領巴爾朱兒

鑲白旗滿洲陵上總管恩丕

蒙古阿玉璽佐領下管義馬圖等處六品官佟

孝

賽吳玉圖佐領下管西拉塔拉等處六品官諾米

拖沙喇哈番袞渣布

拖沙喇哈番喀爾喀

漢軍拜他喇布勒哈番兼拖沙喇哈番丁國寶

鑲紅旗滿洲三等阿達哈哈番覺羅英德

正藍旗滿洲佐領黑達色

二等阿達哈哈番佐領賈爾太

拜他喇布勒哈番潘三柱

漢軍四品額駙伊禮布

三等阿達哈哈番馬朝貞

鑲藍旗滿洲拜他喇布勒哈番兼施沙喇哈番

佐領傅太

佐領額爾德

拖沙喇哈番龍愛

拖沙喇哈番布蘭太

蒙古佐領碩色

漢軍三等阿達哈哈番張起惠

山東壽樂營千總孫天祐

伊等應否給俸之處伏候

上裁臣等未敢擅便謹

題請

旨本月初十日奉

旨這因公累誤革職留任官員內佛保釋迦保甘國培
巴拜俱准開復其住俸官員內吳保住多爾泰和合
禮勒德安住甫哈禪臧從廣王來儀馬正名胡希布
馬國貞佟孝諾米袞渣布喀爾喀丁國寶英德潘三
柱馬朝貞龍愛布蘭太張起惠俱著照舊給俸

六月二十九日己亥

詔中外未入流官及無品筆帖式烏林人一體加級

六月二十四日吏部尚書臣富寧安等謹

題為請

旨事查康熙五十二年三月十八日

恩詔內開在京滿漢文官五品以下在外文官四品以下各加一級欽此欽遵隨行文各部院衙門直隸各省巡撫應加級各官查造職名咨送以憑註冊去後今准部院衙門將五品以下官員及無品筆帖式烏林職名開列咨送前來又偏沅巡撫

潘宗洛山西巡撫蘇克濟湖廣巡撫劉殿衡等
咨稱未入流并革職留任降級留任等官應否
加級之處咨請等因前來查康熙十四年

恩詔內開在京官員俱著加一級將五城未入流吏目
曾經加級在案今年

皇上萬壽恩詔凡在臣工兵民莫不共沐

皇恩應將各省未入流照康熙十四年五城吏目加級
之例各加一級既將伊等加級其部院衙門無

品筆帖式烏林人亦加一級不准食俸陞轉時
仍照無品筆帖式烏林人之職陞補再革職留
任等官俱已

恩賜開復相應停其加級本月二十九日奉
旨依議

臣等伏讀

恩詔及前後

詔旨所以推恩臣工者何其有加而無已耶虞書頌帝

德曰臨下以簡御衆以寬又曰罰弗及嗣賞延
于世罪疑惟輕功疑惟重蓋古所以待其下者
法如其簡恩如其寬也自時厥後誼辟代
興旁流恩澤推原古義慶洽羣工亦往往而有
焉遐稽封爵之制肇自唐虞六等之分詳於
三代姓殊同異事因功德其典至隆漢承秦法
有二十等之別以褒勳舊爵止及身未嘗推
恩先世唐定九等正從神龍中始詔內外執

事官三品以上及四品清官中書門下五品
官父未得官量加追贈天寶後始有封贈祖
父者而李叔良以曾祖受封乃間及三世然觀
宋趙槩以郊祀當進階乞以封母宰相謂槩方
為學士擬封不久槩堅以母老乞許之後遂為
例是宋時學士以下猶不得封其父母顯親揚
名蓋若是之難也加級始於西漢大夫以上賜
爵一級公乘以上得移於子因有任子之恩吏

二千石以上視事滿三載得任同產若子一人
為郎當時名臣若汲黯杜延年蘇武劉向等皆
以任子顯至唐其法益備漢唐史列傳以門蔭
入仕者皆備書之至於飭官方澄吏治三考之
法黜陟幽明慶典間行輒從寬大易所謂雷
雨交作赦過宥罪帝王之政盛德之所同也
然而綜核之世每嘆屯膏驩虞之朝濫賜恩
賞過與不及異世同流若夫清應長瀾光流華

渚以一人之慶普百爾之恩史冊所傳未有如
今日之盛者也唐開元十八年八月以千秋節百
官獻賀賜四品以上金鏡珠囊繅絲五品以下
束帛乾元元年九月以降誕日宴百官賜絹三
千匹號為隆盛自後歷朝聖節不過宴百僚於
曲江或命中人以酒脯及仙韶樂宣錫而已若我
皇上運協千年光被四表

絲綸渙汗中外蒙庥蓋舉聖帝明王所以加惠臣工者

無所不備遂使析圭擔爵之士並受其福上
推恩於祖考下庇賴其子孫或身擢吏議名
註考功咸與滌除宥過無大以視虞書所稱
若合符節先聖後聖其揆一也豈不然乎昔
西漢末年除任子令宋慶厯中裁損聖節恩
蔭臣等躬逢極盛載筆之餘俯仰古今乃知
湛恩汪濊千載一時凡屬臣工將何以頌揚

聖德仰答

高深也哉間錄大臣謝

恩疏如左

總督廣東廣西等處地方軍務兼理糧餉

兵部右侍郎兼都察院右副都御史帶軍功

五次加一級臣趙宏燦謹

奏為

聖恩普及萬方微臣戴德尤渥謹疏恭

謝永祝

萬壽無疆事本年閏五月初九日恭接

恩詔開載一款一內外大小各官除各以現在品級已
得封贈外凡陞級及改任者著照新銜封贈又一
款一在京滿漢文官四品以上在外三品以上武
官在京在外二品以上各送一子入監讀書又一款
一内外文武官員除大計軍政處分外現在議革議
罰戴罪住俸等項各該衙門悉與奏明寬宥又一
款一内外降級罰俸等官俱著開復等因欽此欽

遵伏查

臣

於康熙四十八年因南澳鎮右營

守備潘成龍失事案內部議銷去加二級仍

戴罪圖功又康熙五十一年因原任曲江縣知

縣楊冲斗之子楊津叩

關案內奉

旨降三級免調用各在案竊

臣

一介庸愚荷蒙

皇上殊恩異數感切寸心毫無報稱且緣才識短淺遂

致愆尤蒙我

皇上不即譴斥垂

天地之恩俯賜包容乃今恭遇

萬壽六旬

覃恩大沛誠千載之所希逢亘古之所未有而臣戴罪

圖功及降級之案得以邀

恩開復且膺封贈之榮更加蔭子之典臣跪聽之下感

激無地不獨臣一身生逢

盛世獲邀

曠典永矢捐糜不足以報

主恩於萬一即世世子孫當焚香頂祝

聖壽於億萬斯年矣

臣謹具疏恭謝

天恩伏乞

睿鑒施行謹具

奏

聞

總理糧儲提督軍務巡撫江寧等處地方都察

院右僉都御史臣張伯行謹

奏為恭謝

天恩事康熙五十二年五月初十日准吏部咨為請
旨事考功清吏司案呈奉本部送吏科抄出該本部
等衙門會

題前事康熙五十二年四月二十一日奉

旨依議欽此抄出到部相應移咨前去欽遵施行計
粘抄一紙會議得查康熙五十二年三月十八日

恩詔內開一內外文武官員除大計軍政處分外現在
議革議降議罰戴罪住俸等項各該衙門悉與奏明
寬宥一內外降級罰俸等官俱著開復調用者仍照
原議調用欽此欽遵恭惟

皇上六旬萬壽大沛

恩膏凡屬臣民莫不均霑

聖澤誠亘古之

曠典昇平之

盛事似此因公里誤革職留任之員亦應推廣

皇仁恩賜寬宥仰祈

皇上睿覽施行江寧巡撫張伯行因與原任總督噶禮

互叅一案奉

旨革職留任應將伊開復等因到臣准此臣隨恭設香

案望

闕叩頭謝

恩訖伏念臣一介庸愚屢蒙

聖恩格外超擢畀以巡撫重任朝夕冰兢愧無寸長足
錄前因會審科場作弊一案蒙我

皇上乾綱獨斷著令革職留任誠千載未有之

隆恩臣撫躬自省報効無由茲值

皇上六旬大慶臣奉差在外不獲與在

廷諸臣躬親拜舞叩祝

萬壽無疆正深惶悚乃以

恩詔渙頒將臣革職之案開復臣聞

命自天感激無地惟有夙夜黽勉益竭駑鈍以仰荅我
皇上高厚弘恩於萬一爾臣謹具疏恭

謝伏乞

皇上睿鑒施行為此謹具

奏

聞

巡撫四川等處地方提督軍務都察院右副都

御史加三級臣年羹堯謹

奏為恭謝

天恩事康熙五十二年五月二十八日准吏部咨為請
旨事考功清吏司案呈奉本部送吏科抄出該本部等

衙門會

題前事康熙五十二年四月二十一日奉

旨依議欽此抄出到部相應移咨前去欽遵施行計粘抄

一紙內開會議得查康熙五十二年三月十八日

恩詔內開一内外文武官員除大計軍政處分外現在

議革議降議罰戴罪任俸等項各該衙門悉與奏
明寬宥有一內外降級罰俸等官俱著開復調用者
仍照原議調用欽此欽遵恭惟

皇上六旬萬壽大沛

恩膏凡屬臣民莫不均霑

聖澤誠亘古之

曠典昇平之

盛事似此因公累誤革職留任之員亦應推廣

皇仁恩賜寬宥仰祈

皇上睿鑒施行四川巡撫年羹堯因不同提督岳昇龍
前往招撫番蠻一案奉

旨革職從寬留任戴罪効力應將伊開復等因奉

旨移咨到臣隨恭設香案望

闕叩頭謝

恩並行知所屬一體欽遵外竊臣猥以菲材屢蒙超擢

封疆重任自愧難堪惟念

聖恩高厚實思稍竭涓埃仰圖報効無如才識短淺奉
職無能前因寧番招撫一案部議革職原屬從
寬乃蒙

聖主格外施仁宥罪棄過將臣革職留任令臣戴罪効
力此誠亘古難遇之遭逢亦此生難報之

曠典也夫以臣之駑鈍即竭力殫心亦難自免愆尤若
必待臣功可補過循例開復將終無還職之期
矣今幸恭遇

萬壽昌期普天同慶三代之盛莫與爲儔

大頒恩賚嘉與維新臣亦得仰邀

異數復還原職竊思

皇仁普被自大小臣工以及邊方士庶莫不身霑

膏澤鼓舞歡騰而

恩綸所及實於臣有獨深銜感難名亦惟臣有獨切

臣自問何人既蒙宥過之

洪慈復荷原銜之

寵錫受

恩愈重圖報愈難惟有益天清白整躬率屬仰報萬

一並與白叟黃童虔祝

聖天子億萬斯年而已

臣謹繕疏恭

謝伏祈

皇上睿鑒施行為此謹具

奏

聞

萬壽盛典初集卷二十六

欽定四庫全書

史部

萬壽盛典初集卷三十七至三十九

詳校官宗人府府丞臣富光耀

編修臣程嘉謨覆勘

總校官知縣臣楊懋珩

校對官編修臣沈清藻

謄錄監生臣劉清澗

欽定四庫全書

萬壽盛典初集卷二十七

恩賚四

加恩者舊一

康熙五十二年三月

聖壽六旬直省致仕大臣及誥誤罷歸者咸詣

京師八旗文武勳舊下至廢將退卒踴躍朝賀十二

日己丑

上命來京諸臣內有誥誤者年六十以上酌復其官

大學士臣溫達等謹

奏為欽奉

上諭事康熙五十二年三月十二日奉

上諭今歲來京年老之人甚多此內除本身特犯私罪
外或有因公誥誤降級革職者酌量復還原品似
應於十八日令其隨班行禮大學士九卿等公同會
議即行奏聞欽此恭惟我

皇上寬仁厚德優渥無加中外臣民均霑靡已茲降級

革職年老之人俱各忻忭自數千里奮勉來京
特為

聖主六旬大慶以期瞻仰

天顏祝頌

萬壽者誠因受

恩深重感戴諄切之所致也

皇上復廣宏仁寬宥罪愆還其原品於

萬壽正誕令隨現任臣工班列行禮實亘古未有之曠

典不惟獲罪之人得霑異數感激歡忭即現任
臣僚靡不忻躍既奉

諭旨殊恩應察明各省來京年老之人除原品解任者
令其照常行禮外其降級革職之人還其原品
於十八日朝賀令入廷臣班次行禮俟

命下_臣等即將姓名情罪逐一詳查另奏請
旨定奪奉

旨依議

三月十五日大學士九卿等摺奏臣等遵

旨會同問明各省來京人員年歲并詳查犯罪緣由除
年不及六十犯重罪近日革職者不開外今將
年老之文官李錄予等二十三人武官王世臣
等二人姓名開列具奏此內何員應復還原品
頂帶之處伏候

上裁奉

旨原任提督王世臣原任侍郎李錄予彭會淇原任副

都御史勞之辨原任諭德楊大鶴原任御史袁橋鹿
賓原任院使孫之鼎原任署正邢儼原任知府章文
鑽原任通判趙命任原任知縣沈宗潢俱給與原品

十五日壬辰

命八旗官員註誤罷職者年六十以上亦與酌復

大學士臣溫達等謹

奏為欽奉

上諭事康熙五十二年三月十五日奉

上諭漢官內年逾六十者俱已查明施恩滿洲蒙古漢軍官員著亦照此例查奏欽此欽遵臣等行查八旗公同詳查犯罪緣由除曾擬重罪者不開列外
遵

旨將六十歲以上官員職名并犯罪緣由開列具奏此
內何員應復還原品頂帶之處伏候

上裁俟

命下之日准令隨班行禮可也奉

旨依議

十六日大學士九卿等摺奏臣等遵

旨會同查明八旗滿洲蒙古漢軍犯罪官員緣由除曾
擬重罪者不開列外將六十以上原任尚書阿
山等一百二十三人原任都統齊式等四十八
人姓名開列具題此內何員應還原品頂帶伏候

上裁奉

旨原任尚書阿山郭世隆原任總督石文晟喻成龍原

任侍郎常書敦多禮巴錫戴都禮多奇原任巡撫王
國昌許嗣興原任府丞李法祖原任御史穆書邁色
舒述布原任郎中金達善碩木鼐原任知府王興遠
范承訓姜承基原任員外郎范時彥李勳黑色禮李
起鰲陳懷德北京塔海原任主事吳拜原任治中吳
泰原任知縣蒲敏政徐秉元楊起鳳原任都統齊式
扎拉克圖原任一等侍衛烏勒原任二等侍衛塞勒
原任叅將蘇繼武原任拖沙喇哈番費雅哈查林原

任步軍校薩海原任防禦綽英額原任守備張興文
原任驍騎校多奇俱著給與原品

是日奏事治儀正俊子等又捧出

御書諭旨交與吏部尚書富寧安等欽遵

諭旨曰朕所知太吏及七旬以上者理當給與原銜或
有當年少時得罪並無効力而又年歲未及七十者
有何功勞亦給與原銜乎

十八日乙未

上御殿受朝賀致仕大臣及年六十以上復職官員並
隨班行禮是日頒

恩詔錄舊勞

恩詔內開

一先年出征人內有功牌應得官者除抵軍罪外其
守雲南城及在隴州控告不准叙功人等所存無幾
今皆老邁不能効力茲遇覃恩著兵部查明仍行補叙
一年尚未老傷廢辭職官員及傷廢退甲兵丁酌給

錢糧米石

二十一日戊戌

命給原任吏部尚書徐潮等封蔭

本月二十三日吏部尚書

臣富寧安等謹

奏為恭逢

盛典仰籲

皇仁事准原任吏部尚書兼管翰林院掌院學士事致

仕徐潮等奏稱竊臣等幸際昌明欣逢

聖壽當

六旬之大慶協萬國之歡心中外臣民秉赤誠而來輦
下祝三多而頌九如者以億萬計

德音誕布解澤旁敷浩蕩難名洪纖畢暨真亘古帝
王之所未有也第臣等係致仕候補之員皆未
得與邀

恩之列伏思

萬壽覃恩普天臣庶盡以霑沐為榮臣等自翰林游

至崇班俱荷

聖明格外知遇今復躬逢

盛典獲與在廷諸臣同效嵩呼實屬大幸不揣冒昧仰
懇

皇上廣錫類之仁慈溥作忠之教澤俾臣等數人隨現
任京官遵照

詔款一體霑

恩臣等舉家世世益戴

高厚於無既矣等因具摺於康熙五十二年三月二十一日交與奏事治儀正僂子等轉奏奉

旨伊等於大慶朝賀而來理當給與著交與該部欽此
欽遵查定例內告病丁憂給假候補等官不在
現任不准封等語原任尚書徐潮徐元正原任
侍郎仇兆鰲原任學士王之樞顧悅履俱係年
老告病丁憂之員例不准封不准蔭監今原任
尚書徐潮等五員既經具奏請照現任京官一

體霜

恩應將伊等照現任京官一體止給

封誥傳其照依現任京官給與蔭監可也奉

旨伊等為朕大慶自遠而來人亦不多著照伊等職銜
照現任京官並給與蔭監

二十五日壬寅

賜直省老人宴於

暢春園致仕大臣及復職官員年六十五以上並預

宴賚有差終宴特宣

諭旨加授原任吏部尚書宋犛原任禮部侍郎田種玉
宮保

大學士臣溫達等謹

奏為欽奉

上諭事康熙五十二年三月二十五日臣等接讀

皇上硃筆諭旨這年老諸大臣內於

世祖章皇帝時居官者惟宋犛田種玉而已今年齒老邁

雖閒居林下朕覩之不禁軫恤宋犖現有尚書品級
在身田種玉著給與工部尚書銜俱准給誥封宋犖
田種玉著酌加宮保以示朕不忘耆舊之至意欽此
恭惟

皇上篤念舊臣恩禮優渥凡屬臣僚銜恩戴德者五
十餘年矣茲以宋犖田種玉係

世祖章皇帝舊臣年齒高邁特沛

隆恩田種玉居家已久既還原職復加尚書且均與

誥封榮及祖先而又令酌加宮保此不獨身受者銘佩
高厚在廷百爾臣工亦皆感激歡忭頌

皇上之垂眷耆老始終不替即予告投閒莫不寵錫
隆厚有加無已誠千古之僅遇史冊所罕覯也其
作何酌加宮保之處應交與吏部察例具奏為
此謹奏請

旨

是日

命給原任護軍統領洪海等封蔭

二十五日原任護軍統領洪海原任尚書馬爾漢凱音布安布祿范承勳原任都統查拉克圖散秩大臣薩布素博第等奏為恭逢

盛典仰籲

皇仁事繕摺授奏事治儀正僂子等轉奏奉

旨薩布素新近給與散秩大臣品級傳其給與封蔭餘著給與

原任都統七十奏為懇祈

洪恩事繕摺奏事治儀正俊子等轉奏奉
旨著給與封蔭

四月初一日戊申

上召集諸王貝勒管侍衛內大臣部院大臣都統先鋒
統領護軍統領副都統等

命查五大臣十六扎爾固齊世襲子孫內有誣誤削職
者悉復其爵

四月初一日諸王大臣等面奉

上諭今日齊集爾等朕想有數件事朕若不說亦無人敢說朕外亦無人知此事所以傳集爾等下旨我朝行間効力大臣其勇無過於鰲拜者其効力之處現在檔案中朕常向侍衛大臣言之念其効力欲與世職因其子那摩佛所生之子達禮善達福皆糊塗不堪所行甚亂不與官職但鰲拜効力之處甚明應給世職令伊弟兄中承襲可也再五大臣內蘇萬扎爾

固齊彭城公之祖鄂善之祖現今俱有官職鑲藍旗
順科洛巴圖魯安費揚古効力之處曾經裁去今阿
靈阿之祖額宜都巴圖魯効力之處實錄所載甚明
現今陪饗

太廟似此効力之人身後子孫因罪革職誥命勅書俱皆
遺落伊等皆

太祖

太宗皇帝時創業輔佐功臣子孫治罪并牽連情由不忍

將効力所得之官削去此乃朕之明知查出當給官
職并五大臣十六扎爾固齊內誑誤獲罪革職及得
官子孫承襲因罪革職者亦當明白查議此等之處
不便入於恩詔今遇此大慶爾等公同查明確議具奏
康熙五十二年四月二十四日和碩裕親王臣
保泰等謹

題為欽奉

上諭事該臣等查得原五大臣內額克都巴圖魯因効

力有功曾授左總兵官身故後將伊子鄂必隆襲為精奇尼哈番因誥誤將所襲之官革退今上諭額宜都巴圖魯係創業輔佐功臣現今陪饗

太廟因誥誤獲罪不忍將伊効力所得之官革去應給與世職又查得原五大臣內順科洛巴圖魯安費揚古隨從

太祖皇帝行間効力未任得官之列

世祖皇帝御極時曾授其二子為拜他喇布勒哈番今

上諭順科洛巴圖魯安費揚古係創業輔佐功臣其効力之處曾經裁去應給與世職又查得鰲拜巴圖魯因其功甚大順治九年由一等侯又一拖沙喇哈番特授為二等公康熙六年由二等公授為一等公後因獲罪革去今

上諭鰲拜行間効力諸大臣中無有出其右者應給與世職此三人子孫應與何官之處伏乞

聖裁如蒙恩賜官職鰲拜巴圖魯之孫達禮善達福不

襲外查伊弟兄之子孫并額宜都巴圖魯順科
洛安費揚古之子孫交與該旗引

見為此謹題請

旨五月初二日奉

旨額宜都巴圖魯著給還伊原品精奇尼哈番安費揚
古現有兩個拜他喇布勒哈番著添給一阿達哈哈
番鰲拜其罪甚明朕念其効力著給一阿思哈尼哈
番餘依議

初四日辛亥

命給原任禮部尚書許汝霖等封典

四月初四日吏部尚書臣富寧安等謹

奏為恭逢

盛典循例懇

恩事准原任禮部尚書加一級致仕許汝霖奏稱竊臣

一介寒儒屢蒙破格游陟卿班康熙四十九年

冬引年乞休重荷

溫綸致仕歸籍兩年無日不拜祝

萬壽欣遇

六旬大慶匍匐趨叩以表微忱不敢妄有所冀今伏讀
恩詔內有封贈入監

大典優禮臣工普天同慶昨原任吏部尚書臣徐潮等
五人具摺

奏請欲隨現任京官遵照

詔款仰懇均霑幸蒙

俞允千載一時臣思三品以上致仕諸臣與徐潮等一

體者祇臣

一員若不循例上請是自外於

生成重負

聖天子推恩之至意矣為此謹奏伏祈

睿鑒勅部施行等因具摺於康熙五十二年三月二十

三日交與奏事治儀正俊子等轉奏奉

旨該部議奏欽遵到部又准原任戶部尚書王鴻緒奏

為恭遇我

皇上六十萬壽千古以來莫大之榮慶我

皇上加恩中外亦千古以來未有之曠典凡在臣工皆

邀

隆澤致仕尚書臣徐潮等具摺上請並荷

洪慈准給封贈送予入監臣前任經筵講官戶部尚

書加七級蒙

聖恩以原官解任回籍今赴

闕嵩呼幸遇

慶典竊思解任與致仕者俱屬原官事同一體若不比例陳請是虛負

聖天子推恩之異數矣為此謹奏仰祈

皇上均賜浩蕩一視同仁則臣生生世世感戴

天恩於無極矣等因具摺於康熙五十二年三月二十

四日交與奏事治儀正僂子等轉奏奉

旨該部議奏欽遵到部查定例內告病丁憂給假候補等官不在現任不准封等語許汝霖係原品致

仕之員應照現任京官止給

封典停其給與蔭監王鴻緒係原官解任之員停其

給與

封典可也奉

旨伊等既遇大慶著給與封典原非現任京官停其給
與蔭監

初十日丁巳加授原任吏部尚書宋犖為太子少
師原任禮部侍郎田種玉為工部尚書太子少

傳

四月初七日吏部尚書臣富寧安等謹

題為欽奉

上諭事該臣等議得內閣大學士溫達等奏稱臣等接

得

皇上硃筆諭旨這年老諸大臣內於

世祖章皇帝時居官者惟宋犖田種玉而已今年齒高邁

雖閒居林下朕覩之不禁軫恤宋犖現有尚書品級

在身田種玉著給與工部尚書銜俱准給誥封宋肇田
種玉著酌加官保以示朕不忘耆舊之至意欽此查
品級考開太子少師太子少傅太子少保俱係
正二品內閣部院大臣督撫加銜宋肇原任吏
部尚書田種玉今給工部尚書職銜應將宋肇
加授太子少師銜田種玉加授太子少傅銜謹
題請

旨本月初十日奉

旨宋榮加授太子少師田種玉加授太子少傅

十三日庚申

命給原任閩浙總督梁鼎恩蔭

四月十三日吏部尚書臣富寧安等謹

奏為叩懇

聖恩事准原任福建浙江總督梁鼎奏稱竊臣世受

國恩至深極重大馬報効之忱未能仰盡於萬一欣

值我

皇上六旬萬壽普天同慶臣在籍虔誠齋沐匍匐來京

重蒙

恩眷被猷殊榮撫衷激切何敢復有陳奏因恭讀

恩詔內開文武在外三品以上各送一子入監讀書又

降級罰俸等官俱著開復

綸音渙布寰宇均霑凡現任內外臣工三品四品以上

者俱得蒙蔭一子臣受

恩優渥冀邀一視之仁再臣前於閩浙總督任內有降

二級戴罪圖功一案並懇

聖慈恩准開復在臣天塗肝腦於畢生臣子并切捐糜
於世世伏乞

皇上睿鑒謹遵

恩旨具摺奏

聞等因於康熙五十二年四月初八日授奏事治儀正
僂子等轉奏奉

旨交與該部議奏欽此欽遵到部查定例內告病告假

丁憂候補等官不在現任不准封等語又定例現任官員降級留任者三年無過准其開復等語原任閩浙總督梁鼎係降二級留任戴罪圖功今已丁憂離任非係現任之員其蔭子復級之處俱無容議為此謹奏奉

旨梁鼎自遠而來准其一子送監讀書所降之級不必給還

萬壽盛典初集卷二十七

欽定四庫全書

萬壽盛典初集卷二十八

恩賚四

加恩者舊二

五月初十日丙戌

車駕幸熱河原任尚書宋犖徐潮王鴻緒許汝霖徐元
正等跪送道左辭歸田里

上止輦慰諭

特賜宋犖

御製詩一章以寵其行

是日原任吏部尚書加授太子少師宋榮吏部
尚書徐潮戶部尚書王鴻緒禮部尚書許汝霖
工部尚書徐元正禮部侍郎加授工部尚書太
子少傅田種玉吏部侍郎李錄予仇兆鰲工部
侍郎李元振彭會淇內閣學士王之樞顧悅履
副都御史勞之辨浙閩總督梁鼎福建巡撫宮
夢仁等於清河送

駕跪列道左

上命停輦諸臣啟奏臣民恭祝

萬壽集輦下者數萬人

天恩普被而臣等蒙恩最渥寵賜逾涯今臣等恭送

聖駕後即各歸田里歌詠太平惟有晨夕頌祝

萬壽無疆託

聖主恩庇十年之後復來叩

萬壽七旬臣等亦皆八十九十復得瞻仰

天顏此臣等之至願也

上笑云爾等必來復

命宋犖至輦旁

賜御書御製七言律詩一首受祉林泉頤養年世家耆
德自天全少時佩劍登三殿久任蘇臺撫九阡行儉
銓衡有令譽拔才籲俊入清篇修齡善得人間壽雪
作鬚眉興欲仙跋云吏部尚書引年致仕宋犖因朕
六旬壽慶祝來京事畢五月內回本鄉朕念舊臣特

書七言律一首以紀其盛云爾宋聲跪領奏云臣蒙
賜宴

賜衣冠寶硯已屬殊榮而

手賜御觴秩晉宮師並給

誥命尤為前史所無至請

安之日幼子邀

恩授職且

賜秘書上藥及魚乾鹿乾哈密瓜榛子松子口外蜜餞

果品等物今復蒙

賜御製詩章

天恩稠疊莫與倫比銘刻心版口不能言隨九叩謝
恩而退諸臣亦無不感頌

皇上眷舊隆恩如同身受焉

二十五日辛丑追叙功牌荊州將軍達爾占等加
授世職有差

五月二十一日吏部尚書臣富寧安等

題為欽奉

恩詔事准兵部具題谷稱內開本部議得荊州將軍達爾占疏稱自軍前行走以來未逢失機之處惟看守雲南城門牽連獲罪將効力所得功牌盡行革去雖不准叙功但蒙

聖主洪恩歷用優陞授為將軍之職

聖主屢問効力行走之處將効力微勞仰祈

睿鑒交與該部存案等因具題前來查達爾占係二等

阿思哈尼番出征廣東廣西雲南等處所得功
牌交與吏部議叙具題將達爾占由二等阿思
哈尼哈番加一拜他喇布勒哈番授為一等阿
思哈尼哈番又一拖沙喇哈番因看守雲南城
門不准給職今康熙五十二年三月十八日

恩詔內開一先年出征人內有功牌應得官者除抵軍
罪外其守雲南城及在隴州控告不准叙功人等所
存無幾今皆老邁不能効力茲遇覃恩著兵部查明

仍行補叙欽此欽遵將軍達爾占出征廣東廣西雲南等處効力所得功牌交與吏部議叙等因於康熙五十二年四月二十七日題本月二十九日奉

旨依議欽此欽遵將達爾占所得功牌移咨吏部議叙等因前來應將達爾占出征廣東廣西雲南等處所得頭等第一功牌三箇頭等功牌一箇三等功牌一箇末等功牌一箇仍照前議叙由二

等阿思哈尼哈番加一拜他喇布勒哈番授為
一等阿思哈尼哈番又一拖沙喇哈番可也本

月二十五日奉

旨依議

吏部尚書臣富寧安等

題為欽奉

恩詔事准兵部具題咨稱內開鑲紅旗原任拖沙喇哈番

費雅漢叩

閻狀稱康熙十三年平定四川陝西等處所得功牌
俱存案在部於十五年回兵軍前帶來檔案內
因錯寫兵丁郭思太名字將自行効力所得拖
沙喇哈番革去在四川陝西等處効力所得功
牌一并不准叙功等因叩

閻奉

旨將費雅漢効力之處交與該部議叙具題欽此查費
雅漢於康熙十三年出征四川陝西等處所得

功牌俱各在案今恭遇

皇上六旬大慶奉

旨查六旬以上大臣官員給還原品內費雅漢已經給
還原品其革職之處無容議外費雅漢出征陝
西四川等處所得功牌交與吏部議叙等因於
康熙五十二年五月初三日題本月初五日奉
旨依議欽此欽遵將費雅漢所得功牌移送吏部議叙
等因前來應將費雅漢出征陝西四川等處所

得頭等功牌三個二等功牌一箇三等功牌一箇四等功牌一箇五等功牌一箇照例由空銜授為拖沙喇哈番可也奉

旨依議

十二月初九日壬午追叙功牌八旗將校加授世職有差

十二月初五日吏部尚書臣富寧安等

題為欽奉

恩詔事准兵部具題咨稱恭遇康熙五十二年三月十

八日

恩詔內開一先年出征人內有功牌應得官者除抵軍
罪外其守雲南城及在隴州控告不准叙功人等所
存無幾今皆老邁不能効力茲遇覃恩著兵部查明
仍行補叙欽此欽遵今八旗查送看守雲南城門檔

案有名鑲黃旗部委蘇喇章京常壽正白旗一
等阿達哈哈番兼一拖沙喇哈番部委夸蘭大

趙三部委夸蘭大馬奇部委叅領葛伊圖正紅
旗部委叅領司川鑲白旗拖沙喇哈番部委叅
領陳廷章鑲紅旗委署蘇喇章京永吉納正藍
旗部委夸蘭大春對八人出征雲南陝西等處
効力所得功牌先經咨送吏部將伊等所得功
牌議叙應得官者因看守雲南城門不准給職
在案今

聖主洪恩看守雲南城門不准叙功人員准補叙功欽

此將常壽等功牌仍咨送吏部議叙等因康熙五十二年八月十一日題本月十六日奉

旨依議欽此欽遵將常壽趙三馬奇葛伊圖司川陳廷章永吉納春對八人功牌一併咨送前來查康熙二十五年將在雲南等處所得効力功牌人員本部照例議叙給職等因具題奉

旨依議常壽馬奇永吉納春對趙三陳廷章葛伊圖俱不准給職欽遵在案看守雲南城門檔內有常

壽等七人之名其授拜他喇布勒哈番之部委
叅領正紅旗司川因看守偽譜房屋於康熙二
十六年七月內將所給拜他喇布勒哈番革退
今准兵部咨送常壽等七人出征雲南等處所
得功牌應將常壽馬奇葛伊圖陳廷章永吉納
春對六人仍照康熙二十五年議叙具題俱由
空銜授為拖沙喇哈番此內陳廷章永吉納本
身現有拖沙喇哈番歸併俱授為拜他喇布勒

哈番又正白旗一等阿達哈哈番兼一拖沙喇
哈番趙三出征陝西雲南召磨多地方所得功
牌歸併議叙應給與拜他喇布勒哈番趙三於
康熙二十六年

恩詔既給拖沙喇哈番不便將召磨多所得功牌歸并
給與拜他喇布勒哈番仍照康熙二十五年議
叙具題授為拖沙喇哈番趙三本身現有三等
阿思哈尼哈番再加一拖沙喇哈番授為二等

阿思哈尼哈番正紅旗部委叅領司川出征雲
南等處所得功牌亦照康熙二十五年議叙具
題由空銜授為拜他喇布勒哈番可也本月初
九日奉

旨依議

吏部尚書臣富寧安等

題為欽奉

恩詔事准兵部具題咨稱恭遇康熙五十二年三月十

八日

恩詔內開一先年出征人內有功牌應得官者除抵軍
罪外其守雲南城及在隴州控告不准叙功人等所
存無幾今皆老邁不能効力茲遇覃恩著兵部查明
仍行補叙欽此欽遵今八旗查送隴州控告不准叙
功正黃旗委署護軍校海都正白旗部委叅領
塞龍格正藍旗部委護軍叅領塞克西部委叅
領星格禮出征四川陝西等處所得功牌先在

隴州控告不准叙功今蒙

聖主洪恩隴州控告不准叙功人員准補叙功欽此將
海都等功牌移咨吏部議叙等因於康熙五十
二年八月十一日題本月十六日奉

旨依議欽此欽遵將海都等功牌一并咨送前來應將正
黃旗護軍海都正藍旗部委護軍叅領塞克西
出征四川陝西等處所得功牌照例議叙由空
銜授為拜他喇布勒哈番正白旗部委叅領塞

隆格正藍旗部委叅領星格禮出征四川陝西等處所得功牌照例議叙由空銜授為拖沙喇哈番可也奉

旨依議

吏部尚書臣富寧安等

題為欽奉

恩詔事准兵部具題咨稱恭遇康熙五十二年三月十

八日

恩詔內開一先年出征人內有功牌應得官者除抵軍
罪外其守雲南城及在隴州控告不准叙功人等所
存無幾今皆老邁不能効力茲遇覃恩著兵部查明
仍行補叙欽此欽遵今八旗查送因隴州控告不准
叙功前進兵丁鑲白旗護軍費雅思哈出征四
川陝西等處所得功牌先在隴州控告不准叙
功今蒙

聖主隆恩隴州控告不准叙功前進兵丁准補議叙欽

此將費雅思哈功牌咨送吏部議叙授職等因
於康熙五十二年八月十一日題本月十六日
奉

旨依議欽此欽遵將費雅思哈一併咨送前來應將費
雅思哈出征四川陝西所得第一前進功牌二
箇第二前進功牌二箇照例議叙由空銜授為
拖沙喇哈番可也奉

旨依議

臣等伏覩

皇上御極以來獎忠酬庸榮及其先賞延於世而於耆
舊大臣恩禮尤篤至是

聖壽昌期致政之臣赴

闕朝賀既破格加恩而宥過錄功存亡繼絕恢文武
之路續河山之封洵曠世而一遇也盤庚之篇
曰圖任舊人又曰人惟求舊詩小序曰伐木燕
故舊也故舊不遺則民德歸厚周官冢宰以八

統馭萬民二曰敬故司寇以八辟麗邦灋一曰
議故春秋傳曰善善及子孫凡此皆忠厚之風
惇大之本也蓋所謂舊臣者有二或少壯從政
迄於衰老引年辭職旋車里門或祖父立功澤
及後裔俾守世祀與國咸休故西漢鄼留之風
世世勿絕東漢鄼馮之覲歡如平生懿典隆文
光耀史策然蒙恩者代不數人推恩者朝不數
事若乃一時詔令萬慮周詳不遺數世之勤用

樹百年之計蓋未之見也

皇上帝大智如神至仁如天深識偉度跨越千古當行慶
之時先棄過之令滿漢文武以註誤罷職者年
六十以上一體給復所以惜老成也身來覲則
並令入朝齒及格則均與錫宴命服朱紫再入
班聯鬚眉蒼皓上邀饋餉所以昭慈惠也爰念
世祖舊臣隆以師保則由今全盛之日而追踐阼之初又
念

太祖

太宗舊臣續其世封則更從踐阼之年而遡開國之始宋
肇田種玉年皆逾八十晚荷殊榮五大臣十六扎
爾固齊子孫以罪廢者仍登仕版此非闕一身
一家之私慶也

皇上仁孝性成規模宏遠極錫類之藹惻緬創業之艱
難是以卑崇階而不疑推懋賞而不吝也至於
致政大臣悉予封蔭封疆舊僚並從所請亦以

廣孝治天下之仁追錄勲伐補叙功牌廢將退
卒重沐新命亦以明安不忘危之義當此時也
聞命至於震驚旁觀為之感泣傳播遠近習為
美談皆我

皇上遠覽獨斷本於至誠舉念則上下千年行事則斟酌百代夫是故降非常之寵而衆望協符施不報之恩而人心讜服美善咸集天下歸誠焉杜
鄴曰內恕之君樂繼絕世歐陽修曰有舊有勞

褒寵優異以今相準殆遠過之蓋不獨集社於
壽考流澤於私門凡以風臣子之盡心著

國家之令典休聲鴻烈傳之永永無極矣

萬壽盛典初集卷二十八